

Liujcouh Hwnj Ndei “Haihag Dangz Goq Daih’ it” Couqmaenh Gij Eiqsik Caezcaemh Cunghvaz Minzcuz

Youq haihag ngoenz daih’ it laeng aen yozgiz seizcou bi 2024, Liujcouh Si gak aen gauhyau、cizyez gisuz yozyau、dangjyau、cungh siujyoz daengj haj bak lai aen hagdangz dawz couqmaenh gij eiqsik caezcaemh Cunghvaz Minzcuz、gij cingzeiq gyaez dangj gyaez guek yungzhaeuj ndaw “haihag dangz goq daih’ it” bae, aeu hingzsik lai cungj lai yiengh bae guh aen suenqveh gak cuz nyezrauh doxgyau caeuq hozdung dangz goq swchwngh couqmaenh gij eiqsik caez-

caemh Cunghvaz Minzcuz. Liujcouh Si guh aen hozdung neix, gvancez guhsaed le Swcigih Dangjiveij、Cwngfuj aen baijbouh hwnqguh aen gih guhyiengh couqmaenh gij eiqsik caezcaemh Cunghvaz Minzcuz, cangz-daiva dawz son’gyauq couqmaenh gij eiqsik caezcaemh Cunghvaz Minzcuz gvihaeuj gozminz son’gyauq bae, caemhcaiq guh daengz seizneix.

Gak aen hagdangz guh haihag dienjlaex、cawjdaez banhoih、cien-daez lwnhgangj、yawj sibinz gyaez

guek daengj, guh “Cunghvaz Minzcuz ranz vunz ndeu, doengzsim saed-yienh loqsiengj Cungguek” “Valwg-loux langh loq cozoiq, cingzngieih minzcuz coi doxgiet” daengj hozdung. Neix son’gyauq dazyinx daengx si gak minzcuz nyezrauh geiqmaenh gij maqmuengh caeuq iugouz Siz Gin-bingz cungjsuhgi, mboujduenh dem-giengz “haj aen nyinhdoengz”, ciengq yiengj diuz go “couqmaenh gij eiqsik caezcaemh Cunghvaz Minzcuz”, vanq gij ceh minzcuz doxgiet

haeuj ndaw sim hagseng daengx si bae.

Gaenh geij bi doxdaeuj, Liujcouh Si cangzdaiva yungh “haihag dangz goq daih’ it” guh ndei dangz goq swchwngh son’gyauq couqmaenh gij eiqsik caezcaemh Cunghvaz Minzcuz, dazyinx daengx si hagseng nyezrauh couqmaenh gij eiqsik caezcaemh Cunghvaz Minzcuz, caennadang roengzrengz coicaenh gak minzcuz doxgyau dox baedauq doxyungz.

(周林/Couh Linz 颜纯欣/Yenz Cunzyinh)



▲Gyoengqvunz yawj gij cozbij ndaw canj.

Gvangjdungh Gvangjsih Caez Youq Vuzcouh Guh Aen Langh-baij Meijsuz Sijfap Ingjsiengq

9 nyied 3 hauh, Vuzcouh Si Cangzcouh Gih Cwnghez、Yilinz Si Yungzyen Cwnghez gih raeuz lenzhoz Gvangjdungh Cauging Funghgaih Yen Cwnghez youq Vuzcouh lizsij vwnzva cangzlangz guh “bitmaeg doengzsim coh haij maeuz ak——angqhoh yinzminz cwnghez laebbaenz 75 hopbi caeuq meijsuz sijfap ingjsiengq langhbaij caemhguh Yez Gangj Au Davanhgih gizdieg canhloh youqgaenj”. Hozdung yinx daeuj haujlai siminz ginzcung ngonzyawj. Baez langhbaij neix baijok 181 gienh dozveh、sijfap、mbawsiengq、gunghyi meijsuz cozbij, aeu bitmaeg caeuq aen gih ingjsiengq caensaed geiqloeg gij cingzcik dangdieg, lumjbaenz ginghci hwngfat cix ndei cix onjdingh、beksingq gwndaenj vuenyungz laebdaeb gaijndei、giekdaej sezsih gyavaiq hwnqguh、gak minzcuz beixnuengx doxgiet baenaj、sevei daihbuenz huzndei onjdingh daengj. Neix yienh’ ok yinzminz cwnghez caeuq Cungguek moq fwnrumz caemhruz、mbouj lau haemzhoh buek baenaj, coicaenh vwnzva doxgyau doxyungz, fatyiengz gij vwnzva cienzdoengj ndei.

(Hoz Vazvwnz/何华文)

Bwzswz: Sonlien Feihyiz Cienz Dinfwngz

Vih couqmaenh gij eiqsik caezcaemh Cunghvaz Minzcuz, cienziep hungzyangz vwnzva cienzdoengj ndei



▲ Canghfwen yienjciengq fwen Myauzcuz.

Cunghvaz, daj 8 nyied 27 hauh daengz 30 hauh, bi 2024 aen ban sonlien bouxcienziep feihyiz fwen Myauzcuz、aenvenz yinhyoz youq Bwzswz Si haiguh.

Baez sonlien neix faen song geiz bae guh, miz 120 boux vunz camgya. Aen ban cingj daeuj bouxcienziep feihyiz、bouxconghyia Myauzyozvei laeng Yinz-nanz Swngj Vwnzsanh Bouxcuengh Myauzcuz Swcicouh, son bouxhag boq aenvenz、gij cihsiz fwen Myauzcuz caeuq Myauzcuz yijvwnz daengj. Gyoengq bouxhag lij bae daengz Bwzswz Si Nazboh Yen Bwznanz Yangh Gveilinz Sinhcunh biujyienj gij cwngzgoj sonlien.

Baez sonlien neix gujli engq lai vunz gyahaeuj aen doih cienziep baujhoh vwnzva cienzdoengj Cunghvaz ndei, vih hwnqguh yienhdaihvaq vwnzmingz Cunghvaz Minzcuz ok faenh rengz Bwzswz.

(李红岚/Lij Hungzlanz)

Lwgmanh Caetsaek Bang Vunzmbanj Bienqfouq

Seizneix cingq deng mwh lwgmanh caetsaek ndaej sou, 9 nyied 4 hauh, laeng Laizbinh Si Ginhsiu Yauzcuz Swciyen Dacangh Yangh Sanghva Cunh Mbanjvangzmauz, gij lwgmanh caetsaek angq fungsou. Mbanj de gungh miz cibhaj hoh ndaem le hajcib lai moux lwgmanh, moix bi moux ndaej sam cien

lai gaen lwgmanh, bingzyaenz hawj moix hoh vunz demsou daihgaiq song fanh lai maenz. Ndigah, ndaem lwgmanh caetsaek couh bienqbaenz gij canjnieb miz daegsaek Sanghva Cunh, yienghneix mizyauq leihyung diegbya, vunzmbanj cix ndaej demsou, engq ndei coicaenh saenqhwngh lajmbanj. (余宇/Yiz Yij)



► Vunzmbanj youq gwnz ndoi mbit lwgmanh caetsaek.